

I Concurso Postal do Nadal Dixital
Vicepresidencia 1.ª da Deputación de Lugo



O Nadal na nosa provincia



DEPUTACION DE LUGO
VICEPRESIDENCIA PRIMEIRA



Cultura e Turismo



Ao coidado da Dirección do Centro:

Prezadas amigas
Prezados amigos

Parece increíble pero xa temos o Nadal á volta da esquina e como nos encanta estar continuamente creando, queremos propoñervos que lle comuniquedes e animedes a todo o alumnado do voso centro a que participe no «I CONCURSO POSTAL DO NADAL DIXITAL VICEPRESIDENCIA 1.^a DA DEPUTACIÓN DE LUGO».

De que se trata?

Esta iniciativa da Vicepresidencia Primeira da Deputación de Lugo diríxese a todo o alumnado dos Centros de Ensino da provincia de Lugo, en idades comprendidas entre os catro e os catorce anos.

Convidamos ás alumnas e alumnos a que elaboren unha postal do Nadal utilizando as novas tecnoloxías. Calquera idea que se lles ocorra será benvida!

Nas bases tedes toda a información para participar. Agora a poñer en marcha o maxín e... a crear! Espéranvos uns estupendos agasallos como premio á vosa capacidade creativa!

Mario Outeiro Iglesias

Deputado delegado de Cultura e
Turismo da Deputación de Lugo

I Concurso **Postal do Nadal Dixital** **Vicepresidencia 1.^a da Deputación de Lugo**

O Nadal na nosa provincia

A Vicepresidencia 1.^a da Deputación de Lugo, co obxectivo de fomentar a participación, os valores da convivencia e a expresión artística das nosas tradicións, cultura e deporte da nosa provincia, convoca o «I CONCURSO POSTAL DO NADAL DIXITAL VICEPRESIDENCIA 1.^a DA DEPUTACIÓN DE LUGO», para que o alumnado que cursa dende Educación Infantil ata a Educación Secundaria Obrigatoria, dos diferentes centros existentes na provincia de Lugo, elabore un traballo dixital que servirá de deseño para a tarxeta de felicitación do Nadal das delegacións de Cultura e Turismo /e de Benestar Social e Deporte da Vicepresidencia Primeira da Deputación de Lugo.

BASES

PRIMEIRA. Participantes

Establécense tres categorías:

- 1.^a categoría: participantes de catro a seis anos
- 2.^a categoría: participantes de sete a nove anos
- 3.^a categoría: participantes de dez a catorce anos

Obrigatoriedade: pertencentes, todos eles, a centros de ensino da provincia de Lugo.

SEGUNDA. Tema e características

O debuxo deberá ter en conta a temática O Nadal dende a Cultura e Turismo e o Benestar Social e Deporte da nosa provincia, baixo o lema: «O Nadal na nosa provincia».

A elección do tema e a elaboración do debuxo realízase individualmente por cada participante, achegando co debuxo unha breve explicación do porqué da súa elección.

O contido do debuxo deberá ser orixinal e inédito, será de técnica libre, sempre que se presente en formato dixital.

O idioma será obrigatoriamente en galego.

TERCEIRA. Presentación e prazo

Os centros educativos designarán un titor ou titora que serán os encargados de subir os traballos de cada unha das categorías nas que participen, arriba indicadas. Os traballos deben enviarse a través da páxina web da Vicepresidencia 1.^a da Deputación de Lugo www.v1deputacionlugo.org, accedendo ao banner do concurso e indicando todos os datos que se solicitan no formulario de envío.

Resolto o premio polo xurado, requiríraselles, aos centros educativos, os datos persoais de cada participante.

O prazo de presentación rematará o día 9 de decembro, ás 14:00 horas.

As características técnicas dos arquivos que se envíen serán as seguintes:

- **Postais sen animación:** formato «.jpeg». Mínimo 300 ppp. Tamaño mínimo A5.
- **Postais con animación:** formato «.gif».

En ningún caso deben pesar máis de 1MB.

O proceso de subida realízase subindo un arquivo de cada vez.

Estas imaxes quedarán almacenadas nunha base de datos, quedando os datos cifrados e sen acceso.

CUARTA. Agasallos

Outorgaranse tres premios por cada unha das categorías.

Todos os participantes obterán un diploma alusivo á participación neste concurso que será entregado nun acto presidido polo vicepresidente da Deputación de Lugo e o seu delegado de Cultura e Turismo.

1.^a CATEGORÍA: participantes de catro a seis anos

- 1.^o premio: xogo didáctico; pendrive; lote de libros; suadoiro; lapiseiros de cores e outro material divulgativo da Vicepresidencia 1.^a da Deputación de Lugo.
- 2.^o premio: pendrive; lote de libros e lapiseiros de cores.
- 3.^o premio: pendrive e lapiseiros de cores.

2.^a CATEGORÍA: participantes de sete a nove anos

- 1.^o premio: pendrive; lote de libros; suadoiro e material divulgativo da Vicepresidencia 1.^a da Deputación de Lugo.
- 2.^o premio: pendrive; suadoiro e material divulgativo da Vicepresidencia 1.^a da Deputación de Lugo.
- 3.^o premio: pendrive e material divulgativo da Vicepresidencia 1.^a da Deputación de Lugo.

3.^a CATEGORÍA: participantes de dez a catorce anos

- 1.^o premio: pendrive; lote de libros; suadoiro e material divulgativo da Vicepresidencia 1.^a da Deputación de Lugo.
- 2.^o premio: pendrive; lote de libros e material divulgativo da Vicepresidencia 1.^a da Deputación de Lugo.
- 3.^o premio: pendrive e material divulgativo da Vicepresidencia 1.^a da Deputación de Lugo.

Outorgaráselle, igualmente, o **Premio Especial á mellor postal do Nadal**, que será a tarxeta que lle servirá á Vicepresidencia Primeira da Deputación de Lugo para felicitarlles as festas do Nadal aos entes e personalidades existentes na súas bases de datos.

Premio: Tablet de última xeración; pendrive; suadoiro e material divulgativo da Vicepresidencia Primeira da Deputación de Lugo, segundo a idade que corresponda.

Como premio especial, serán agasallados todos os alumnos que pertencen ao mesmo curso e centro de ensino do alumno que gañe o premio especial á mellor postal do Nadal, cun **viaxe cultural pola provincia de Lugo**, con todos os gastos pagados (transporte, almorzo, actividades etc.)

Nota: incluíranse todas as clases que pertencen a ese curso. A,B,C...

Todos os traballos presentados serán expostos na páxina web da Vicepresidencia Primeira da Deputación de Lugo (v1deputacionlugo.org) dende o día 18 ao día 22 de decembro, ambos os dous inclusive.

QUINTA. Xurado

O xurado, presidido polo delegado de Cultura e Turismo da Deputación de Lugo ou persoa en quen delegue; delegado de Benestar Social e Deporte; o gañador do I Premio de Fotografía Contemporánea; o xefe de Servizo de Benestar e Deporte; a xefa de Servizo de Cultura e Turismo; directora do Museo Provincial; responsable de Normalización Lingüística.

O fallo do xurado efectuarase o día 15 de decembro de dous mil catorce, que será inapelable, e farase a entrega dos premios nun acto público que se celebrará o día 18 de decembro, ás 18:00 h, no Museo Provincial de Lugo.

Á presentación de calquera dos traballos implica: a autorización para poder proceder á súa exposición e utilización, a aceptación destas bases e das decisións que adopte o xurado naqueles aspectos non previstos nestas.

Os traballos presentados quedarán en propiedade exclusiva da Vicepresidencia 1.^a da Deputación de Lugo, podendo ser reproducidos e facendo deles o uso publicitario que se estime conveniente, con mención da súa autoría.

A Vicepresidencia Primeira da Deputación de Lugo queda facultada para introducir algunha modificación na postal dixital premiada, se existe algunha dificultade técnica para a súa dixitalización ou para introducir algún texto ou logotipo que non figure inicialmente nestas bases.